



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Francisci Arias, Societatis Iesv Theologi, Tractatus
Tres spirituales**

Arias, Francisco

Coloniae, 1615

14. Quanti faciendum sit donum diffidentiae sui, & quam studiosè à Deo
petendum.

[urn:nbn:de:hbz:466:1-48767](https://nbn-resolving.org/urn:nbn:de:hbz:466:1-48767)

oculos reflectit, mox agnoscit suam
 litatem, imbecillitatem, & suum nihil.
 Sicut enim exigua candela ardens in
 meridie exposita soli, nullā lucem vel
 splendorem reddere videtur; sic homi-
 collatus soli, nullus sibi, quoad omnes
 facultates naturales, videtur, & idcirco
 facile se despicit, & sibi diffidit, dicens
 cum Dauide: *Ecce mensurabiles posuerunt
 dies meos, & substantia mea tanquam nihil
 lum ante te.*

Psalm. 38.

CAPVT XIV.

*Quantum faciendum sit hoc donum, ac pro-
 inde, quam studiosè à Deo po-
 stulandum.*

VT dictum donum per media iā
 nominata maiori animi prom-
 ptitudine à Deo impetremus,
 eoque orationes nostras efficacius re-
 feramus, conuenit ad extremum dili-
 genter expendere cœlestes opes in eo
 reconditas: si enim virtutem diffiden-
 tiæ consecuti fuerimus, humilitatem
 quoque consequamur necesse est, è qua
 tanquam fonte diffidentia manat. De
 qua S. Leo Papa ita scribit: *Tota dilectis-
 simi Christiani sapientiæ disciplina, non in
 abundantia verbi, non in astutia disputandi,
 neque*

*Leo Serm. 7.
 de Epiphan.*

neque in appetitu laudis & gloria, sed in vera & voluntaria humilitate consistit, quam Dominus IESVS ab utero matris vsque ad supplicium crucis pro omni fortitudine & elegit, & docuit. Hac virtute antidotum quoddam cœleste ad sanandas omnes plagas comparamus, deinde admirabilem quandam pacem, tranquillitatem, & robur ad tolerandos omnes huius vitæ casus assequimur. Nam, vt postea dicemus, nulla re alia in hoc sæculo perturbamur, quàm passionibus iræ, superbiam, concupiscentiam, alijsque similibus in imo corde æstuantibus: ab his autem vindicat nos vna hæc humilitas, vt docuit B. Dorotheus his verbis. *Dorotheus*
Ab omni fateor nos passione eripi per serm. 2.
humilitatem, & ab omni tentatione protegi animam. Nam vero humili, quicquid aduersi contigerit, illico in se totus contrahitur, illico iudicat se dignum ea aduersitate & ærumna, nec sustinet quenquam accusare, non sustinet in alium causam huiusmodi inferre, at sine perturbatione sine molestia, cum omni tranquillitate se habet.

Huius virtutis beneficio possidemus thesaurum omnium virtutum: nam vti caritas omnium virtutum regina est, sic humilitas earundem mater: & ideo etsi verum sit, nos, cum perfecte

fecte

fectè vel vnam virtutem possidemus
 possidere virtutes omnes, tamen con-
 gruentius id dicitur de humilitate: per
 hanc enim omnes reliquarum virtu-
 tum difficultates tolluntur, & est qual-
 breuis, suavis, & secunda ratio & via, qua
 ad omnes virtutes perueniatur. Etenim,
 si quis per infirmitatem corporis non
 valeat ieiunare, non diu orare, non
 a superioribus poenis carnem affligere,
 per inopiam non potest operibus mi-
 sericordiae vacare, aut ob ignorantiam
 alios docere, vel solari, humilitate ta-
 mē potest omnium illorum exercitio-
 rum spiritualium defectum compensare.

Doret. ibid. Maxima est humilitas, per quam Sanctorum
 quibus incesit, & cum labore viae longitudo-
 nem abscidit. Potest enim sola humilitas nos
 introducere, vt aiebat Ioannes Abbas.

Quare si vires nobis desint, ad tole-
 randos cum sanctis magnos corporis
 labores, saltem conemur nos toto cor-
 de humiliare: nec dubito, nos tantam
 gloriam in cælo promerituros, quan-
 tam cōsecuti sunt multi, qui in magnis
 laboribus hanc vitam traduxerunt; id
 enim idem quoque Dorotheus asseue-
 rat. Magnus thesaurus est omnium vir-
 tutum possessio, sed multo maior, quod
 per

per humilitatem fit, segura possessio. Hæc enim est velut castrum quoddam munitissimum, in quo reconditur virtutum thesaurus, ne ab hostibus diripiatur: & murus inexpugnabilis, quo omnes aduersariorum ictus repelluntur. *Qui virtutes sine humilitate congregat, Greg. hom. iis: auctore B. Gregorio, similis est ei, qui manibus puluerem in ventum portat, à quo statim dissipantur. In lege veteri Deus mandauit, vt quando domus noua ædificaretur, construeretur murus tecti per circuitum, ne quis facilè è tecto rueret. In ædificio virtutum, vt ait idè Dorotheus, tectum est charitas, quæ est perfectio & consummatio omnium virtutum, murus verò, quo à lapsu prohibentur, qui sunt in tecto charitatis, est humilitas.*

O gloriosa diffidètia, sancta, germana humilitatis filia, quæ tecum & cum illa omnium virtutum possessionem adijsti, easdemque intra cordis nostri domicilium conseruas, & custodis, ac proinde in hac vita securos nos de salute reddis; quam fructuosè pius & Christianus homo omni studio & opera contendit, vt tua familiaritate fruatur, quam vtiliter sine intermissione misericordiæ diuinæ portas in orationibus

Psal. 1.1.

nibus suis pulsat, vt te consequatur, dicens cum Dauide. *Si dederō somnum oculis meis, & palpebris meis dormitationem, & requiem temporibus meis, donec inueniam locum Domino, & tabernaculum Deo Iacob.* Locus autem Domini vbi est, nisi in corde humili? Ita enim Dominus ipse per Prophetam. *Super quem, inquit, requiescet spiritus meus, nisi super humilem, & contritum spiritu, & trementem sermones meos.*

Isa. 66.

CAPVT XV.

Quibus signis homo humilis, & sibi diffidens cognoscatur.

Quoniam in schola virtutis tam necessaria est diffidentia sui, vt haecenus declaratum est, magni quoque faciendā sunt omnia, quæ iuuare possunt, tum ad illam melius intelligendam, tum etiam ad exercendam; & ideo declarabimus, quibus iudicijs & signis anima verè humilis, sibi que diffidens, soloque diuino nixa auxilio dignosci possit. Primum est, si in omnibus, quæ agere vel loqui instituit, prius se Deo commendat, & mente in cœlum erecta, singulare & copiosum auxiliū ab eo postulet: cū enim explo-